

PRIJEDLOG

Na osnovu člana 24. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj:49/06), člana 55., 76., 85. stav 2 i člana 104. Statuta Općine Ilijaš – prečišćeni tekst ("Službene novine Kantona Sarajevo", broj: 20/09 i 46/18), člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/05 i 7/19), Općinsko vijeće Ilijaš na 30. sjednici održanoj 18. 04. 2019. godine, donosi:

ODLUKU O IZMJENAMA I DOPUNAMA ODLUKE O OSNIVANJU MJESNIH ZAJEDNICA NA PODRUČJU OPĆINE ILIJAŠ

Član 1.

U Odluci o osnivanju mjesnih zajednica na području općine Ilijaš broj: 01-I-02-3106-3/05 od 27.10.2005. godine ("Službene novine Kantona Sarajevo", broj: 32/05) i Odluci o izmjeni i dopuni odluke o osnivanju mjesnih zajednica na području općine Ilijaš broj: 01/1-02-288-3/10 od 02.03.2010. godine ("Službene novine Kantona Sarajevo", broj: 5/10) član 4. stav 4. mijenja se i glasi:

Broj članova savjeta po mjesnim zajednicama je sljedeći:

1. Savjet mjesne zajednice Dragoradi pet (5) članova
2. Savjet mjesne zajednice Gajevi pet (5) članova
3. Savjet mjesne zajednice Kamenica pet (5) članova
4. Savjet mjesne zajednice Srednje pet (5) članova
5. Savjet mjesne zajednice Ljubina pet (5) članova
6. Savjet mjesne zajednice Malešići pet (5) članova
7. Savjet mjesne zajednice Ilijaš Stari pet (5) članova
8. Savjet mjesne zajednice Ilijaš Grad pet (5) članova
9. Savjet mjesne zajednice Luka pet (5) članova
10. Savjet mjesne zajednice Misoča pet (5) članova
11. Savjet mjesne zajednice Mrakovo pet (5) članova
12. Savjet mjesne zajednice Podlugovi pet (5) članova
13. Savjet mjesne zajednice Ljubnići pet (5) članova
14. Savjet mjesne zajednice Lješevu pet (5) članova.

Član 2.

Ostale odredbe Odluke ostaju neizmijenjene.

Član 3.

Ova Odluka stupa na snagu danom donošenja a objavit će se u "Službenim novinama Kantona Sarajevo".

Obrazloženje:

I - Pravni osnov

Pravni osnov za donošenje ove Odluke sadržan je u članu 24. stav 2. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj: 49/06) kojim je definisano da se Odlukom o osnivanju mjesne zajednice utvrđuju: naziv, sjedište, područje mjesne zajednice, odnosno drugi dijelovi mjesne zajednice kao i druga pitanja u vezi sa ostvarivanjem mjesne samouprave.

Pravni osnov za donošenje ove Odluke sadržan je u članu 55., 76., 85. i 104. Statuta općine Ilijaš – prečišćeni tekst ("Službene novine Kantona Sarajevo", broj: 20/09 i 46/18). Članom 76. stav 2. Statuta Općine Ilijaš propisano je da mjesnu zajednicu Odlukom osniva Općinsko vijeće, članom 85., stav 2. definiše se broj članova Savjeta mjesne zajednice, a članom 55. i 104. Statuta Općine Ilijaš definisane su nadležnosti Općinskog vijeća i propisi koje donosi Općinsko vijeće. Članom 99. Poslovnika Općinskog vijeća Ilijaš ("Službene novine Kantona Sarajevo", broj: 2/10, 18/05 i 7/19) definisano je koje propise donosi Općinsko vijeće.

II – Razlozi za donošenje Odluke

Dosadašnja praksa prema kojoj je broj članova Savjeta mjesnih zajednica mogao biti od pet do devet članova zavisno od veličine područja, ekonomske razvijenosti i broja stanovnika svakog naselja na području mjesne zajednice, pokazala se neefikasnom za rad mjesne zajednice. Mjesne zajednice koje imaju broj članova Savjeta veći od pet, često nisu u mogućnosti održati Savjete zbog inertnosti i nezainteresovanosti članova Savjeta za rad i vrlo često se nije mogao obezbijediti kvorum za rad Savjeta. Rad mjesne zajednice se sveo samo na Predsjednika Savjeta koji vrlo često ne može realizovati projekte i aktivnosti iz Plana rada mjesne zajednice jer nema podršku članova Savjeta.

Ovom izmjenom nastoji se unaprijediti rad kompletnog Savjeta mjesne zajednice, postići aktivizam članova Savjeta što je neophodno za funkcionisanje i rad mjesne zajednice.

Predlagač Odluke o izmjenama i dopunama odluke o osnivanju mjesnih zajednica na području općine Ilijaš je Općinski načelnik shodno odredbi člana 113. Poslovnika Općinskog vijeća Ilijaš ("Službene novine Kantona Sarajevo", broj: 02/10, 18/15, 7/19).

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Predlažemo Općinskom vijeću Ilijaš da Odluku o izmjenama i dopunama odluke o osnivanju mjesnih zajednica na području općine Ilijaš donese u predloženom tekstu.